

Naija - Gud-Bad Maind God Wod - Good-Bad Mind Scriptures

Gud Maind God Wod - Good Mind Scriptures

Mark 5:15 Wen dem kom mit Jisos, dem kon si di man wey dimon dey insaid am bifor sidan for der, e wear klot and en head koret, so fear kash dem.

Luk 8:35 So di pipol run kom si wetin dey hapun and dem mit Jisos for der. Di man wey Jisos driv dimon komot for en bodi, don wel and e wear klot sidan near Jisos leg, so fear kon kash di pipol.

Apostols 17:11 Dis Ju pipol get beta maind pas di wons wey dey for Tesalonika, bikos dem opun maind tak biliv di mesage and dem dey read God wod evriday to shek weda all di tins wey dem hear, na tru.

Apostols 20:19 haw I nor dey kari bodi up as I dey serv Jisos wit pain and wahala wey I dey face, bikos of wiked plan wey Ju pipol get for mi.

Roman 7:25 Tank God! Jisos Kraist don save mi. So, I go obey God law wit my maind, ivun doh sin pawa stil dey insaid mi.

Roman 8:6 If wi let sin rule awa maind, wi go die. Bot if na di Spirit dey rule us, wi go get life and peace.

Roman 8:27 And God wey dey si evritin insaid awa bele, no wetin dey di Spirit maind, bikos di Spirit dey pray for all God pipol, as God wont.

28And wi no sey evritin dey wok for awa gud, bikos wi luv God and dey du wetin E wont.

Roman 11:34 Na hu no wetin dey God maind? Hu go fit advise God?

Roman 12:2 Mak una nor bi laik pipol for di wold, bot mak una alow God shange una maind, den una go no haw to serv God and du tins wey dey mak bele swit am.

Roman 12:16 Mak una trai to bi frend wit evribodi. Mak una nor kari bodi up kon feel sey una wise pas evribodi, insted, mak una dey mak frend wit doz wey nor dey important.

Roman 14:5 Som pipol tink sey won day beta pas anoda and som tink sey, evriday na di same. Bot mak evribodi biliv wetin dem won biliv.

Roman 15:6 So dat as una dey togeda, una go fit yuz won vois praiz God, wey bi awa Oga Jisos Kraist, Papa.

1 Fest Korintians 1:10 My brodas and sistas, I dey beg una wit awa Oga Jisos Kraist name sey, mak una nor kworel, bot mak una get won

maind for evritin wey una dey du.

1 Fest Korintians 2:16 bikos God wod sey, "Hu fit no wetin God dey tink so dat e go advise am?" Bot wi wey get di Spirit, undastand wetin Kraist dey tish.

2 Sekon Korintians 7:7 Wi kon dey hapi, nor bi onli sey Titus kom, bot bikos of di advise wey una giv am, bikos e tel us haw una won si mi; haw una dey ves and wori for mi and my hapines kon pas as e bi bifor.

2 Sekon Korintians 8:12 Bikos if e rili dey una maind to du-am, enitin wey una giv akordin to wetin una get, God go asept am, bot nor bi wetin una nor get. (1 Fest Kronike 28:9)

2 Sekon Korintians 9:2 bikos I no sey una won help dem. I always dey boast giv Masidonia pipol sey, una wey dey Akaya, dey always won help and una don redi to giv moni since last year. And di way wey una dey won help, don mak som of dem won help tu.

2 Sekon Korintians 13:11 Finali my brodas and sistas, mak una dey hapi dey du tins as dem sopoz bi. Mak una tak heart, dey grit ish oda and liv togeda for peace and di God wey get luv and peace, go dey wit una.

Efisos 4:23 and mak una dey tink beta tins for una maind.

Filiipu 2:2-5 Den, mak una let my joy dey komplit, as una dey agri wit ish oda and dey luv and wok togeda wit won maind. 3 Mak una nor dey kari bodi up, bot mak una trit ish oda laik unasef. Insted, una dey du wetin una laik, bikos of di tins wey una go gain, so dat una go fit boast. 4 Mak una nor dey tink abaut unsef alone and wetin una wont, bot mak una dey tink abaut wetin gud for odas tu. 5 Mak una get di same maind wey Kraist get,

Filiip 4:2 I dey beg Udia and Sintike mak dem agri togeda insaid Kraist.

Filiip 4:7 Den God peace wey pas wetin humanbin fit undastand, go gaid una heart and maind insaid Kraist. (Isaia 26:3)

Kolosha 3:12 So, as pipol wey God don shuz, wey holi and wey E luv wel-wel, mak una kwik dey sori for pipol; dey gentol; nor dey kari bodi up and wear patient laik klot for bodi.

2 Sekon Tesalonika 2:2 mak fear nor dey una maind or spirit; ivun doh wi tel or rite giv una sey Kraist go soon kom.

2 Sekon Timoti 1:7 Bikos God nor giv us di spirit wey go mak us fear, bot di spirit wey E giv us, get pawa, luv and sef-kontrol.

Titos 2:6 Mak yu tish young men to dey liv dia life wit beta sense

Hibru 8:10 Bot naw, "Dis na my new kovenant (wey bi di new agriment): Di taim dey kom wen I go put my laws for dia mout and rite am for dia

heart. I go bi dia God and dem go bi my pipol.

1 Fest Pita 1:13 So, mak una always dey redi for ashon. Mak una shine una eye and put hope for di grace wey Jisos Kraist go bring.

1 Fest Pita 5:2 Mak una kare for di ship wey God giv una hol, jos as shepad dey kare for dia ship. Mak e nor bi laik sey dem fos una du-am, bot na as God wont am. Una nor dey du-am bikos of moni, bot na bikos una won du-am.

2 Sekon Pita 3:1 My frends, dis na di sekon leta wey I dey rite to una, so dat una go dey tink abaut di tins wey I tel una.

James 1:17 bikos evri beta and pafet gift dey kom from God. E dey kom dan from di Papa wey kreate lite and E nor dey shange. (Job 23:13)

Revelashon 17:9 "(Na onli pipol wey get wisdom go undastand dis tin.) Di sevun head na sevun mountin wey di wuman sidan put and dem stil bi sevun kings.

Bad Maind God Wod - Bad Mind Scriptures

Mark 7:21 "Bikos to slip wit hu yu nor mari, to tif, to kil pesin, (Ezekiel 38:10)

Luk 12:29 "Mak una nor dey wori abaut wetin una go chop or drink.

Apostols 12:20 Herod kon dey ves wel-wel for Tyre and Sidon pipol. So dem gada go si-am. Bot dem kon first beg Blastus wey bi di king ofisa, mak e help dem beg am, bikos na di king kontri dey suppli fud giv dia kontri.

Apostols 14:2 Bot di Ju pipol wey nor gri biliv, gada di Gentai pipol kon spoil dia maind against Pol and Banabas.

Roman 1:28 Since dem nor gri put God for maind and serv am, E kon liv dem mak dem yuz dia bad maind dey du tins wey dem nor sopoz du.

Roman 8:6,7 If wi let sin rule awa maind, wi go die. Bot if na di Spirit dey rule us, wi go get life and peace. 7 Pipol wey dey sin, na God enemi dem bi, bikos dem nor obey en law, since dem nor fit obey am.

Roman 11:20 Tru-tru, God break Izrel pipol komot from di tri, bikos dem nor biliv am. Bot una dey wer una dey, bikos una get fate. So, mak una nor dey boast, insted, mak una dey fear wetin God fit du.

2 Sekon Korintians 10:5 Wi dey skata trobol; pipol wey dey kari bodi up; doz wey nor wont mak odas no God and as wi dey du laik dis, pipol dey

obey Kraist.

2 Sekon Korintians 11:3 Bot I dey fear sey, jos as di snake disiv Eve wit en wayo, una maind fit spoil komot for di tru and di way wey una dey folo Kraist.

Efisos 2:3 All of us dey liv dis kaind life bifor. Wi dey du difren tins wey awa bodi and maind wont. Dat taim, wi bi shildren wey God won ponish laik oda sinas.

Efisos 4:17 So, I dey yuz Kraist pawa tak tel una dis tins sey, mak una nor liv una life laik Gentai pipol wey dey tink onli bad and tins wey nor get sense.

Kolosha 1:21 Bifor-bifor, bikos of di wiked tins wey una dey du and tink, una dey far from God and una bi en enemi. (Parabol 21:27; Ezekiel 23:17)

Kolosha 2:18 Mak una nor let doz wey dey pretend and woship angels joj una. Dat kaind pesin dey tok enihaw abaut vishon wey e sey e si, bot na yeje tins and sin ful en maind.

1 Fest Tesalonika 5:14 Wi dey beg una, awa brodas and sistas, mak una tel pipol wey dey bihav enihaw sey, wetin dem dey du nor gud, den mak una help doz wey dey wik, bot mak una dey patient wit evribodi.

2 Sekon Tesalonika 2:2 mak fear nor dey una maind or spirit; ivun doh wi tel or rite giv una sey Kraist go soon kom.

1 Fest Timoti 6:5 and wahala, naim e dey kause. Dia maind don spoil and dem nor no di trut again, bikos dem tink sey dem fit yuz God wok tak mak moni.

2 Sekon Timoti 3:8 Jos as Jannes and Jambres opoz Mosis; na so tu, dis pipol wey dia maind blok and nor get fate, dey opoz di trut.

Titos 1:15 Evritin dey pure to doz wey dia heart dey pure. Bot nor-tin dey pure to doz wey bad tins ful dia maind.

Hibru 12:3 If una dey tink of haw Jisos sofa for wiked pipol hand and haw dem hate am, una maind go strong for fate.

James 1:8 bikos e get doubol maind and e nor dey stabol for enitin wey e dey du.